

DÊPÄ TÎ PÖPÖKÖDÖRÖ TÎ NDIÄ TÎ BATA NENGÖ TERÊ TÎ ZO

TAKAPA

Na hîngängö bîanî atene nêngö terê tî zo na lîngbîngö terê tî ângängü tî lo laâ sî ayeke na gündâ tî zarä , tî nzönî ngbanga na tî sîrîrî na ndö tî dúnîa,

Na hîngängö nî pëpëe na kêngö ândiä tî bata nêngö terê tî zo laâ adü kpälë tî birä sô abi ngonzo na bê tî âhalëzo, ngâ sî gängö tî mbênî finî ködörö sô âhalëzo kûe alîngbi tî tene tënë tî bê tî âla, tî mabê tî âla afa nî töngana taâ kötâ békü tî âzo tî ndö tî gîgî,

Ayeke kötâ yê mîngi tî tene azî lë na ndö tî ândiä tî bata nêngö terê tî zo gî na lêngö mbênî gerê tî ndiä ndâli tî sîönî sêgbîä na lêngö pâsi,

Na hîngängö nî atene ayeke kötâ yê mîngi tî mü ngangü na mäingö tî lêngö söngö na pöpö tî ködörö ndê ndê,

Na hîngängö nî atene na yâ tî sêndiä halëzo tî bendo tî gîgî afa tî finî nî mabê tî âla na âtaâ ndiä tî zo , na nêngö terê ngâ na kötâ tî zo na lîngbîngö terê tî ângängü tî kôlî na wâlî, sî âla atene ânî yeke sâra ngangü kûe tî mäingö tî sêduti tî zo na lêngö ânzönî lëgë tî dutî na yâ tî mbênî kötâ zarä ,

Na hîngängö nî atene âködörö sô abûngbi amû yângâ tî lë kpêngö ndiä tî bata nêngö terê tî zo na zarä tî lo na yâ tî kua tî mabôko na mabôko na bûngbi tî bendo tî gîgî,

Na hîngängö atene mângbîngö bê na ândiä sô na âzarä sô ngâ ayeke bîanî ngangü yê mîngi tî sâra kua sô gî na pekö tî yângâ sô âla mü,

Kötâ Lîngö

Avûnga

Dêpä tî pöpöködörö tî bätängö nêngö terê tî zo sô

töngana kunibê sô halëzo na âködörö kûe alîngbi tî wara, sî âzo kûe ngâ na âkûndû tî bôso kûe asâra ngangü, na lëgë tî fängö mbëtî na fängö-ndo, tî lë kpêngö ândiä na âzarä sô ngâ tî sâra na kodë tî ândiä tî ködörö wala tî pöpöködörö tî tene ayêka nî ngâ sî alë tambûla nî na ndo kûe, na pöpö tî halëzo na letäa nî sô alü mbere nî, töngana âla sô angbâ na gbe tî lë tî âla.

Sura 1

Adü âzo kûe yamba, ngâ âla lîngbi terê na lëgë tî nêngö-terê na tî ângängü. Ala kûe awara ndarä na bôrö-li sî âla lîngbi tî dutî na âmbâ tî âla gî na lêngö söngö.

Sura 2

Zo ôko ôko alîngbi tî pîka kate na ndö tî ângängü sô dêpä avûnga, na sârängö kângbi ôko pëpë wala na ndö tî tenë tî marä, wala tî nzorôko tî terê wala tî ndiä wala tî kôlî na wâlî tî yângâ ködörö wala tî mosoro,

tî ndo tî düngö wala tî marä duti,

Na ndönî kûê, alîngbi tî sâra mbênî kângbi ôko pëpë sô alöndö na ndö tî tënë tî porosö wala tî ndiä wala tî pöpöködörö, tî mbênî zo wala tî mbênî ködörö nî sô alîngbi tî duti lipandä wala na gbe lê tî mbênî ködörö wala sô ayeke na kpälë tî sêgbä.

Sura 3

Zo kûê ayeke na ngangü tî duti na finî tî lo, tî duti yamba na tî duti na mbeto tî wara siönî pëpëe.

Sura 4

Zo ôko alîngbi tî duti na gbe tî ngbâa pëpëe. Akânga lêgë bîanî na duti tî ngbâa ngâ na dëngö buzë tî kängö zo na ngbâa.

Sura 5

Zo ôko alîngbi tî sâra mbâ tî lo na pâsi tî ponön wala na pâsi tî finön pëpëe.

Sura 6

Zo kûê ayeke na ngangü tî tene ndiä abata lo na âsiönî lâkûê na ndo kûê.

Sura 7

Azo kûê alîngbi terê na lê tî ndiä, ngâ âla yeke na ngangü lêgë ôko na särängö kângbi ôko pëpëe. Amû na âla ngangü na sêbätängö terê lêgë ôko, na tënë tî kângbi tî marä sô alîngbi tî fîngi dëpâ sô ngâ na tënë tî gîngö lêgë tî kângbi tî marä sô.

Sura 8

Zo kûê alîngbi tî lî ngbanga na âdangbanga tî ködörö tî lo tōngana âzo akpë pëpëe ângangü sô sëndiä tî ködörö tî lo amû na lo.

Sura 9

Alîngbi ôko pëpëe tî gbû zo na kânga wala tî bata lo na kânga wala tî tokua zo yongöro na ködörö tî lo gî sêngê sêngê, tōngana ndâ nî ayeke da pëpëe.

Sura 10

Zo kûê ayeke na ngangü, lêgë ôko na âmbâ tî lo, tî tene amä polêlê tënë tî yângâ tî lo na lê tî boro ngbanga sô fadë afa ânde wala ângangü wala âkuandiä tî lo wala tōngana pängö îrî na tënë sô alî ngbanga da na ndö tî lo sô ayeke mbîrîmbîrî.

Sura 11

Zo kûê sô apä îrî tî lo na ndö tî mbênî kpälë angbâ mokondö asî na ngöi sô afa na lêgë tî ndiä atene lo sâra siönî, na lê tî mbênî ngbanga tî polêlê sô âwakokö kûê adu da na pekö tî lo.

Alîngbi pëpëe tî kânga zo ndâli tî âyê sô lo sâra wala tî bêgirisa sô, na ngôî sô asî sô, ndiä tî ködörö wala ndiä tî pöpöködörö afa nî tōngana kpälë pëpëe. Lëgë ôko, alîngbi tî dîko pëpëe mbênî ponön sô akono ahön ndö tî lo sô ayeke dë ka nî na ngôî sô zo asâra kpälë sô.

Sura 12

Alîngbi ôko pëpëe tî yôro terê na mbänä na yâ tî sêduti tî zo wala tî sêwa tî lo wala tî da tî lo wala tî dîko mbëtisû tî lo. Alîngbi pëpëe tî buba îrî tî zo ngâ na wüngö tî îrî tî lo. Zo kûê ayeke na ngangü tî tene ndiä abata lo ngbanga tî âmarä kpälë tōngasö.

Sura 13

Zo kûê ayeke na ngangü tî fonon yamba na yâ tî ködörösêse kûê. Lo yeke ngâ na ngangü tî soro ndo tî duti tî lo na yâ tî mbênî ködörösêse.

Zo kûê ayeke na ngangü tî sîgî na yâ tî ködörösêse kûê atâ adu ködörö tî lo, ngâ tî kîri na ködörö nî tōngana sô bê tî lo ayê.

Sura 14

Na yâ tî ponön tî hongana-ndo, amû lëgë na zo kûê tî gi ndo tî duti da ngâ lo lîngbi tî wara nî na ködörö wandê.

Alîngbi pëpëe tî mû ngangü sô na wakpälë tî fängö zo wala na zo tî särängö âyê sô ague pëpëe na lëgë tî âpo na âkunibê tî bûngbi tî bendo tî gîgî.

Sura 15

Amû ngangü na zo kûê tî tene lo du zo tî mbênî ködörösêse.

Alîngbi pëpëe tî gbânzi mbênî zo na mbänä tî du waködörösêse ngâ na ngangü tî gbîan ködörösêse tî lo.

Sura 16

Asî na ngôî sô âla lîngbi tî mû terê, amû ngangü na kôlî na wâlî tî mû terê tōngana kôlî na wâlî, sî âla lë sewä sêngë, tënë tî marä wala tî ködörösêse wala tî mabê alîngbi tî kânga lëgë nî pëpëe. Na mbâgë tî müngö terê, amû ngangü, lëgë ôko na kôlî na wâlî na yâ tî dutîngö tî âla ngâ na kängbîngö tî âla.

Kôlî na wâlî alîngbi tî mû terê gî tōngana bê tî âla ûse kûê ayê tënë nî bîanî.

Sewä ayeke na gündâ tî halëzo. Ni laâ, amû ngangü na letäa ngâ na âzo kûê tî tene âla bata nî ngangü.

Sura 17

Zo kûê wala lo duti na bôsôngbi wala lo duti lo ôko ayeke na ngangü tî wara âkûngbâ tî lo mvenî.

Alîngbi pëpëe tî mû âkûngba tî mbênî zo na ngangü na mabôko tî lo.

Sura 18

Amû na zo kûe zarä tî bibê, tî boro-li na tî mähê ; ngangü sô afa atene zo kûe ayeke na zarä tî gbïan mähê tî lo, wala bibê tî lo ngâ na zarä tî fa polêlê mähê tî lo, lo ôko wala na yâ tî mbênî bûngbi, polêlê wala koiko, na lêgê tî fängô mbëtî, tî sārängö yê, tî vöröngö nzapä ngâ na sārängö ângôbo.

Sura 19

Amû na zo kûe ngangü tî zarä tî bibê na tî sārängö tënë. Sô atene alîngbi tî doroko zo pëpëe ndâli tî âbibê tî lo. Amû ngâ na zo kûe ngangü tî gi, tî wara na tî vûnga âsango na âkodê na âmarä lêgê kûe, na zïängö bê pëpëe na ndö tî tënë tî âmekä.

Sura 20

Amû na zo kûe ngangü tî zarä tî gbê lîngö, tî lî na yâ tî bôsôngbi tî sîrîrî.

Alîngbi pëpëe tî gbû zo na ngangü tî lî na yâ tî mbênî bôsôngbi.

Sura 21

Amû na zo kûe ngangü tî sâra kua tî lêngö ködörö tî lo, wala lo mvenî wala na lêgê tî âwasêlê sô asoro âla yamba.

Amû na zo kûe ngangü tî wara kua na yâ tî ndokua tî letäa, lêgê ôko na âmbâ tî lo.

Kunibê tî halêzo ayeke na gündâ tî ngangü tî awalêngö ködörö. Kunibê sô alîngbi tî fa gi na lêgê tî aboro soro sô ayeke bâa gîgî ngôî na ngôî, na lêge tî gbegô mobimba ngâ na köbö soro wala na mbênî ngôbo sô amû ngangü tî zarä tî soro.

Sura 22

Zo kûe tōngana wabôso tî halêzo ayeke na ngangü na kodêkua tî bätängö terê. Alöndö na âbängö nzönî na pekö tî ângangü tî mosoro, tî zängbingörö terê, tî ndara sô ayeke kötâ yê ndâli tî nêngö terê na boro mäïngö tî sêterê tî lo; gi na lêgê tî gbüngö mbîrîmbîri kua tî ködörö ngâ na tî tängbîngö kua na âködörö wandê sô abâa dôngôngbi na môsôrô tî ködörö ôko ôko.

Sura 23

Amû na zo kûe ngangü tî sâra kua, na zarä tî söröngö kua tî bê tî lo, na yâ tî boro ngâ na nzönî gerê tî kua. Alîngbi ngâ tî bata zo ngbanga tî tënë tî ponön tî sārängö kua pëpëe.

Zo kûe alîngbi tî wara boro nginza tî kua sô alîngbi na kua sô lo sâra

Zo sô asâra kua alîngbî tî wara boro nginza tî kua sô alîngbi tî tene lo na âsëwä tî lo aduti na yâ tî nêngö terê. Na ndönî kûe, amû na lo anzîna ngangü tî sêbätängö terê.

Zo kûe awara ngangü tî kîi na âmbâ tî lo âbûngbi tî âwakua, ngâ tî lî

bûngbi na âmbênî âbûngbi tî âwakua ngbanga tî gbüngö kokö tî âla.

Sura 24

Amû na zo kûe ngangü tî woterë tî lo, tî sâra ngiâ ngâ. Sô atene alîngbi tî dë gi na lêgë nî lăngö kâpâ tî kua ngâ na âlăngö tî wöngö terê sô afûta nî.

Sura 25

Zo kûe alîngbi tî wara nginza sô alîngbi na lo sî lo lë sênî tî lo, nzönî dutî tî lo ngâ na tî sewä tî lo bianî na lêgë tî têngö kôbe, yüngö bongö, mûngö yoro ngâ na zăngbîngö terê. Amû na lo ngangü tî bâa nzönî na lêgë tî zangbîngö terê na ngôi sô lo du na kua pëpëe, wala na ngôi tî sôngö terê wala ngbanga tî zën, wala ngbanga tî ndü, tî kangba wala na yâ tî âmbênî ngôi sô zo nî ayeke na mbênî lêgë tî bătängö na finî tî lo pëpëe, na pekô tî âmbênî siökpälë sô asî na lo.

Awâlî tî ngo na âmolengê tî âla alîngbi tî wara taâ nzönî na kua tî zăngbîngö ndo. Amôlengê kûe, wala adü âla na yâ tî mûngö terê wala adü âla da pëpëe ayeke na ngangü na nî lêgë ôko.

Sura 26

Amû na zo kûe ngangü tî mändängö mbetî. Ayeke fûta mändängö mbetî nî pëpëe, mbîrîmbîrî na âkêtê dambetî. Mändängö kodëyê na kodëkua alîngbi tî gbû ndo kûe. Zo kûe alîngbi tî manda mbetî na kötâ dambetî, gi na lêgë tî kodë tî lo na hîngängö ndo tî lo.

Fängö mbetî alîngbi tî gue na lêgë tî kono sêterê tî âzo ngâ tî kono ndiä tî bătängö nêngö terê tî âzo . Lo lîngbi ngâ tî mû lêgë tî kpêngba măngö terê, vürüngö bê na sôngö na pöpö tî âködörösêse tî âmarä wala âmabê ndê ndê ngâ na măingö âkua tî bûngbi tî bendo tî gîgî ngbanga tî bata sîrîrî.

Awadüngö môlengê âmvenî alîngbi tî soro yamba kodë lêgé tî fängö hîngägö ndo na âmôlengê tî âla.

Sura 27

Zo kûe ayeke na ngangü tî lë kua tî sêndăgăo tî âsöngö tî lo, tî tene lo wara âpendere yê tî ködörö tî lo na lo zîa mabôko na măingö tî âsêndâyê ngâ na lo bâa nzönî na pekô nî.

Amû na zo ôko ôko ngangü tî sêbătängö ânzönî yê tî lo sô alîngbi tî dutî âkûngbâ wala âbibê ti lo-mvenî. Anzönî yê sô alîngbi tî löndö na pekô tî âkodëkua, asêndâyê, âsêndăsû wala tî sêndăgăo sô lo mvenî lo sâra.

Sura 28

Tî tene âzo akpë ângangü sô afa ge sô, ayeke nzönî mbênî dôngôngbi adu da sô alîngbi tî bata nî. Dôngôngbi sô alîngbi tî dutî na yâ tî ködörö nî tôngana na yâ tî dûnîa mobimba.

Sura 29

Zo ayeke na âhonga na mbâgë tî bôso sô lo du da sî lo mâi da yamba . Nî
laâ sî alîngbi tî mû na lo lêgë tî tene sêterê tî lo amâi nzönî bîanî.

Ndiä alîngbi tî lë ângangü tî bätängö nëngö terê tî zo . Lo lingbi ngâ
tî mû lêgë na zo ôko ôko tî kpë âmbâ tî lo ngâ tî tene âmbâ tî lo akpë
lo.

ângangü sô na âzarä sô alîngbi ôko pëpë tî fîngi âwêsêlô, âpö, na
gbegôndiä tî bûngbi tî bëndö tî gîgî mobimba.

Sura 30

Mbênî kôdörösêse ôko pëpëe wala mbênî zo tî gîgî ôko alîngbi pëpëe tî
buba lêgë tî ândiä sô afa ge na yâ tî mbëtî-dêpä sô.